

ATRIBUSI (Part 6)

Shafezan Hamidi Abd Hamid, Nik Rozita Bt Ab Lattip & Ong Ay Shin

KAJIAN-KAJIAN YANG TELAH DILAKUKAN DALAM PROSES ATRIBUSI

Atribusi adalah boleh dikatakan tentang apa yang menyebabkan orang lain itu berperilaku tertentu. Menurut Myers (1996), kecenderungan memberi atribusi disebabkan oleh kecenderungan manusia untuk menjelaskan segala sesuatu, termasuk apa yang ada disebalik perilaku orang lain.

Ada 2 golongan yang menjelaskan suatu perilaku, iaitu berasal dari orang yang bersangkutan (atribusi internal) dan yang berasal dari lingkungan atau luar diri orang yang bersangkutan (atribusi eksternal). Bagaimanapun, pemberian atribusi adalah salah. Kesalahan itu menurut Baron & Byrne (1994) berpunca daripada beberapa hal, salah satunya adalah "kesalahan atribusi yang mendasar (fundamental error)", yaitu kecenderungan untuk selalu memberi nilai internal.

i. Kajian dari Othman Bin Mohd Yunus

Ransactional And Transformational Leadership: It's Role In Moderating The Effects Of Police Culture On Police Mind ,Othman Bin Mohd Yunus

Dalam mengkaji kepemimpinan, kepentingan budaya sering diabaikan. Kertas ini cuba meneroka peranan kepemimpinan sebagai pembolehubah penyederhanaan dalam hubungan kesan budaya polis ke atas jiwa polis. Sejumlah 222 anggota polis telah menjawab soalan-soalan berkaitan dengan budaya polis, jiwa polis dan kepemimpinan yang telah dibentuk oleh Bass. Hasil kajian menunjukkan bahawa dimensi-dimensi dalam kepemimpinan transaksi dan transformasi tidak bertindak sebagai pembolehubah penyederhanaan dalam hubungan di antara budaya polis dengan jiwa polis.

ii. Kajian dari Loh Sau Cheong & Habibah Elias

Attribution Towards Success And Failure Of Mathematics Between Form Four Science And Arts Students, Loh Sau Cheong & Habibah Elias

Kajian ini bertujuan untuk mengkaji perbezaan atribusi terhadap kejayaan dan kegagalan Matematik antara pelajar Sains dan pelajar Sastera Tingkatan Empat. Subjek merupakan 262 orang pelajar tingkatan empat yang telah dipilih mengikut persampelan rawak berlapis dari dua buah sekolah menengah kebangsaan di Zon Bangsar, Kuala Lumpur. Antara subjek ini, 130 orang adalah pelajar Sains dan 132 orang adalah pelajar Sastera. Atribusi terhadap kejayaan dan kegagalan Matematik telah diukur dengan menggunakan Skala Atribusi Matematik yang diubahsuai dari “Causal Dimension Scale” (Russell). Perbezaan min atribusi mengikut aliran persekolahan dan jantina telah ditentukan kesignifikannya melalui ujian-t sampel tak bersandar. Bagi aliran persekolahan terdapat perbezaan yang sigifikan bagi dimensi kestabilan dan kebolehkawalan dalam situasi gagal dan perbezaan yang signifikan bagi dimensi lokus, kebolehkawalan, dan kestabilan dalam situasi lulus. Bagi jantina, perbezaan min atribusi yang signifikan wujud dalam dimensi lokus bagi situasi lulus dan dalam dimensi kebolehkawalan bagi situasi gagal. Pada keseluruhannya, didapati pelajar Sains lebih bersifat kawalan dalaman dan menganggap punca sebagai boleh dikawal berbanding dengan pelajar Sastera. Keputusan kajian juga menunjukkan bahawa pelajar lelaki mengatribusi kejayaan kepada kebolehan diri manakala pelajar perempuan mengatribusi kejayaan kepada usaha.

iii. Kajian dari Mahmood N. Mohamed & Jeanne L. Edman

Differences in Attribution Styles amongst Male and Female Heroin Addicts, Mahmood N. Mohamed & Jeanne L. Edman

Kajian ini bertujuan meneliti perbezaan stail atribusi di antara penagih-penagih heroin laki-laki dan wanita. Sejumlah 185 responden penagih heroin laki-laki dan 163 penagih heroin wanita ditemuduga dari kalangan penghuni empat buah Pusat Serenti laki-laki dan wanita. Temuduga dikendalikan oleh kaunselor di pusat-pusat yang terlibat dengan menggunakan dua skala yang dibentuk oleh penyelidik iaitu skala Atribusi Penagih – Kendiri dan skal Atribusi Penagihan – Aktor. Penagih wanita didapati lebih cenderung untuk mengatribusikan tingkah laku ketagihannya sendiri kepada sebab-sebab dalaman atau kendiri

berbanding dengan penagih laki-laki. Tetapi apabila mengatribusikan sebab-sebab penagihan orang lain, penagih wanita kurang cenderung penyalahkan sebab-sebab dalaman. Implikasi ke atas program pemulihan untuk kedua-dua jantina dibincang.

